



Javna ustanova «Služba za zapošljavanje Kantona Sarajevo» - Sarajevo, u skladu sa članom 9. stav 2. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo („Službene novine Kantona Sarajevo“, br. 4/04, 29/09 i 18/13), te Programa mjera za podsticaj zapošljavanja i održavanja više stope zaposlenosti u Kantonu Sarajevo u 2017. godini, br: 02-05-20150-13.1/17 od 02.06.2017.godine, 02-05-32196-4.1/17 od 02.11.2017.godine i 02-05-1224-4.1/18 od 18.01.2018.godine, o b j a v l j u j e:

JAVNI POZIV POSLODAVCIMA

DA SE PRIJAVE ZA UČEŠĆE U PROGRAMU OBUKE, DOKVALIFIKACIJE I PREKVALIFIKACIJE NEZAPOSLENIH OSOBA, ZA POZNATOG POSLODAVCA

I

U cilju realizacije Programa mjera za podsticaj zapošljavanja i održavanja više stope zaposlenosti u Kantonu Sarajevo u 2017.godini, Javna ustanova „Služba za zapošljavanje Kantona Sarajevo“ Sarajevo (u daljem tekstu: Služba), poziva poslodavce sa područja Kantona Sarajevo da se prijave za učešće u Programu obuke, dokvalifikacije i prekvalifikacije nezaposlenih osoba za poznatog poslodavca, prijavljenih na evidenciju nezaposlenih Službe, prije objavljivanja Javnog poziva za ovaj program.

Cilj ovog programa je obuka, dokvalifikacija i prekvalifikacija nezaposlenih osoba sa evidencije nezaposlenih u Kantonu Sarajevo, za poznatog poslodavca.

II

U smislu ovog programa:

- Obuka je sticanje znanja i vještina za obavljanje složenijih poslova koji su srodni osnovnom zanimanju nezaposlene osobe;
- Dokvalifikacija je stručno osposobljavanje u cilju postizanja viših stepena znanja i vještina u okviru postojećeg zanimanja;
- Prekvalifikacija je obrazovanje u kojem nezaposlena osoba stiče znanja i vještine za drugo zanimanje u odnosu na postojeće.

Dužina trajanja obuke, dokvalifikacije i prekvalifikacije je maksimalno 6 mjeseci i može se realizovati :

- u ustanovama, centrima za obuku ili drugim organizacijama koje su registrirane za ovu vrstu djelatnosti,
- kod poslodavca po internom programu,
- kombinovano.

Ukoliko se obuka, dokvalifikacija i prekvalifikacija vrši kod poslodavca ili kombinovano, poslodavci su dužni o svom trošku osigurati polaznike za slučaj povrede na radu i profesionalnog oboljenja u skladu sa važećim propisima, a Služba će putem resornog ministarstva i Vlade Kantona Sarajevo, obavijestiti inspeksijske organe o realizaciji programa, a u svrhu izbjegavanja karakterisanja ovog angažmana kao „rad na crno“.

III

Planirana sredstva za realizaciju ovog programa iznose 72.215,00 KM i istim će biti obuhvaćeno najmanje 24 nezaposlene osobe.

U cilju provođenja ovog programa Služba će poslodavcima, korisnicima ovog programa za novo zapošljavanje, finansirati troškove obuke, dokvalifikacije i prekvalifikacije nezaposlenih osoba u maksimalnom iznosu od 3.000,00 KM po osobi, uz obavezu poslodavca da osobe čije se obuke, dokvalifikacije i prekvalifikacije finansiraju, po okončanju iste, zaposli na period od najmanje 6 mjeseci.

Ako su troškovi obuke, dokvalifikacije i prekvalifikacije veći od 3.000,00 KM, isti padaju na teret poslodavca.

IV

Poslodavci koji žele učestvovati u ovom programu u originalu ili ovjerenj fotografiji dužni su podnijeti:

- aplikaciju za finansiranje obuke, dokvalifikacije i prekvalifikacije u roku predviđenim javnim pozivom (aplikacija se može preuzeti u Odjeljenju za poslove podsticanja u zapošljavanju u ulici Đoke Mazalića 3, kancelarija br.15/I ili sa web stranice www.szks.ba),
- Rješenje o registraciji u Kantonu Sarajevo i uvjerenje o poreskoj registraciji sa identifikacionim brojem,
- Uvjerenje o izmirenim obavezama po osnovu poreza i doprinosa ne starije od 30 dana od dana podnošenja aplikacije sa listingom o trenutnom broju radnika (izdat od strane Porezne uprave Federacije Bosne i Hercegovine),
- Plan i program obuke, dokvalifikacije i prekvalifikacije ovlaštene ustanove, centra za obuku ili drugih organizacija koje su registrovane za ovu vrstu djelatnosti ili poslodavca ako se obuka izvodi kod poslodavca,
- Predračun troškova izvođača obuke, dokvalifikacije i prekvalifikacije,
- Elaborat o opravdanosti zahtjeva za obuku, dokvalifikaciju i prekvalifikaciju,
- Izjavu ovjerenu kod općinskog organa da su saglasni da rezultati javnog poziva budu objavljeni na web stranici Javne ustanove "Služba za zapošljavanje Kantona Sarajevo" Sarajevo.

V

Služba će plaćanje obaveza po ovom programu vršiti direktno izvođaču obuke, dokvalifikacije i prekvalifikacije, nakon završetka iste i dostavljanja dokaza da su polaznici završili obuku, dokvalifikaciju i prekvalifikaciju (certifikat, potvrda ili drugog validnog dokaza), fakture za plaćanje i izvještaja o provedenoj obuci od strane izvođača obuke, dokvalifikacije i prekvalifikacije.

Kao instrument obezbjeđenja sredstava, u slučaju da poslodavci ne ispoštuju ugovorom preuzete obaveze, za iznose do 8.800,00 KM uzimat će se bjanko mjenica, a za iznose preko 8.800,00 KM, poslodavci su dužni obezbijediti garanciju banke. Povrat sredstava vršit će se srazmjerno neizvršenju ugovorenih obaveza i biće preciziran u ugovorima o finansiranju za svakog poslodavca pojedinačno.

VI

Poslodavci koji redovno ne izmiruju obaveze uplate javnih prihoda, ne mogu učestvovati u ovom programu, osim u slučaju kad poslodavac ima potpisan ugovor sa Poreznom upravom o uplati duga na rate.

Poslodavci i fizičke osobe koje su koristile kreditna sredstva Federalnog zavoda za zapošljavanje, Službe i ministarstava u Vladi Kantona Sarajevo, a nisu ispoštovali obaveze u skladu sa zaključenim ugovorima (nisu primili radnike ili ne vraćaju redovno anuitete), ne mogu učestvovati u ovom programu.

Poslodavci korisnici ovog programa dužni su u radnom odnosu zadržati postojeći broj radnika koji su imali u momentu podnošenja zahtjeva, osim u slučajevima odlazaka radnika u penziju.

VII

Služba će sa poslodavcima koji budu obuhvaćeni Programom, zaključiti ugovore kojima će biti regulisana sva prava i obaveze ugovornih strana, u skladu sa Programom.

VIII

Javni poziv ostaje otvoren 15 dana od dana posljednjeg objavljivanja. Nepotpuni i neblagovremeni zahtjevi neće se uzeti u razmatranje.

IX

Rezultati ovog javnog poziva biće objavljeni na web stranici Službe.

X

Prednost za učešće u ovom programu imat će poslodavci čija je djelatnost proizvodna ili turistička, poslodavci sa nižom cijenom obuke po jednoj osobi, poslodavci koji trenutno zapošljavaju veći broj radnika kao i poslodavci koji će sufinansirati obuku, dokvalifikaciju i prekvalifikaciju.

XI

Aplikacije sa potrebnom dokumentacijom, podnose se neposredno ili preporučeno putem pošte Javnoj ustanovi „Služba za zapošljavanje Kantona Sarajevo“ Sarajevo, ulica Đoke Mazalića broj 3, sa napomenom: „Za Program obuke, prekvalifikacije i dokvalifikacije“.

Dodatne informacije mogu se dobiti u Odjeljenju za poslove podsticanja u zapošljavanju, kancelarija broj 15/I i na broj telefona 033/ 569-100.

Sarajevo, Đoke Mazalića 3,
web-stranica: www.juszzks.com.ba; e-mail adresa: juszzks@bih.net.ba
Tel/:+387 (33) 569-100, fax: 204-177; Matični broj: 4200304610003;
Poreski broj: 01079085; Računi NLB Banka d.d., Tuzla broj:
1320102014880173-depozitni račun, 1320102014880270-transakcijski račun



Certifikat br. 44 100 126779

PODNOŠILAC ZAHTEJVA

DATUM: _____

**JAVNA USTANOVA „SLUŽBA ZA ZAPOSŁJAVANJE KANTONA SARAJEVO“ –
SARAJEVO**

Ul. Đoke Mazalića broj 3 – Sarajevo

APLIKACIJA

**ZA UČEŠĆE U PROGRAMU OBUKE, DOKVALIFIKACIJE I PREKVALIFIKACIJE
NEZAPOSLENIH OSOBA**

ZA POZNATOG POSLODAVCA

POSLODAVAC _____

ADRESA _____

KONTAKT TELEFON I E-MAIL _____

OVLAŠTENA OSOBA _____

TRENTNI BROJ RADNIKA _____

BROJ RADNIKA ZA OBUKU _____

POTREBNA ZANIMANJA _____

SREDSTVA POTREBNA ZA:

- **OBUKU**
- **PREKVALIFIKACIJU**
- **DOKVALIFIKACIJU**

IZVOĐAČ OBUKE _____

DUŽINA TRAJANJA _____

POJEDINAČNA CIJENA _____

PODNOŠILAC ZAHTEJVA

I Z J A V A

Da sam saglasan da rezultati javnog poziva budu objavljeni na web stranici JU „Služba za zapošljavanje Kantona Sarajevo“ Sarajevo.

Izjavu dao

(Ime i prezime ovlaštene osobe poslodavca)

(naziv i sjedište poslodavca)

(OVJERA OD NADLEŽNOG OPĆINSKOG ORGANA)

IZJAVA

Ovom izjavom pod punom moralnom, materijalnom i krivičnom odgovornošću izjavljujem da **sam koristio/nisam koristio** kreditna i/ili grant sredstva Federalnog zavoda za zapošljavanje, JU „Služba za zapošljavanje Kantona Sarajevo“ – Sarajevo i ministarstava u Vladi Kantona Sarajevo i da **sam/nisam** ispoštovao obaveze u skladu sa zaključenim ugovorima.

(zaokružiti odgovarajuće opcije)

Izjavu dao

(Ime i prezime ovlaštene osobe poslodavca)

(naziv i sjedište poslodavca)

(OVJERA OD NADLEŽNOG OPĆINSKOG ORGANA)